

# Ժողովուրդ

79  
(2745)

3 հունիսի շաբաթ 2023  
տպագրության ժԲ տարի

✉ ք. Երևան, Արմավյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com

100 դրամ

## ՀԱՐԿԵՐԻՑ ԽՈՒՄԱՓՈՂ ԲՊ-ԱԿԱՆԸ



ԲՊ խմբակցության պատգամավոր, ԱԺ տնտեսական հարցերի մշտական հանձնաժողովի նախագահ Բարկեն Թունյանը 2020թ.-ի պատերազմից հետո մի խայտառակ իրավիճակում է հայտնվել:

«Ժողովուրդ» օրաթերթի տեղեկություններով՝ վերջինս 44-օրյա պատերազմից ընդամենը մեկ տարի անց՝ 2021թ.-ին, դիմել է դատարան՝ իրեն պատկանող «Արմբիզնես» ՍՊԸ-ն սնանկ ճանաչելու համար, որպեսզի խուսափի հարկեր վճարելուց:

Ի դեպ, ՍՊԸ-ն գրանցված է հենց պատգամավորի բնակության հասցեում՝ Դավիթաշեն, 2-րդ թաղամաս, 40 շենք:

Ստացվում է՝ հետպատերազմական վիճակում գտնվող երկրում, երբ քաղաքացիները, հարկերը վճարելով, փորձում էին պատերազմից հետո թուլացած պետությունը, բանակը ոտքի կանգնեցնել, որեւէ օգուտ տալ, պատգամավորը, որը տնտեսության զարգացման ջատագով է, բոլորին հորդորում է ժամանակին հարկերը վճարել, լրիվ հակառակն է անում. ինքը իր ՍՊԸ-ն փակում է՝ հարկերից խուսափելու համար:

«Ժողովուրդ» օրաթերթը այս առիթով փորձեց մեկնաբանություն ստանալ պատգամավորից. վերջինս նախ ասաց, որ նիստի է մասնակցում, խնդրեց մի փոքր ուշ գանգել, իսկ դրանից հետո մեր բազմաթիվ զանգեր արդեն անպատասխան մնացին:

Գաղտնիք չէ, որ 33 նախագահ Վահագն Խաչատրյանը տարվա ընթացքում զբաղվում է միայն այս կամ այն երկիր այցելություններով, արձա-վետությունների հայտարարություններ անելով: Եվ նաեւ դա է պատճառը, որ խորհրդարանում 2022 թվականի պետական բյուջեի կատարման հաշ-վետության նախագիծը ներկայացնելիս խայտառակ արդյունքի ակնաստես եղանք: Մասնավորապես, հաշվետվության մեջ նշվում է, որ նախագահը զբաղված է եղել քաղաքացիության տրման մասին հրամանագրեր, կոչումներ, շքանշաններ ու մեդալներ տալով: Շքանշաններով եւ մեդալներով պար-գեւատրվել է 680 անձ: Նախագահի կողմից շնորհվել է 12 պատվավոր կոչում, 17 բարձրագույն դիվանագիտական աստիճան, 6 դասային աստիճան, 4 բարձրագույն գիտություն կոչում: Այսինքն՝ ստացվում է՝ միայն հրամանագրի ստորագրելու, կոչում տալու համար մոտ 3 մլն դոլարի բյուջետային հատ-կացում է արված եղել նախագահի աշխատակազմին, որպեսզի լավ ստորագրի, մեկնի գործուղումների եւ ձեռքի հետ էլ հայտարարի, թե մենք ենք ազ-րեստր երկիր, եւ պատերազմի մեղքը մերն է: Մեկ այլ ուշագրավ հանգամանք եւս Վահագն Խաչատրյանի գործունեությունից. պարզվում է՝ նրա մոտ եւս կադրերի պակաս է: Չնայած 2022 թվականի մարտի 13-ին Վահագն Խաչատրյանը երդմանակալությամբ ստանձնեց նախագահի պաշտոնը, սա-կայն նա այդպես էլ աշխատակազմի ղեկավար չունի: Եվ հենց դա է պատճառը, որ երեկ նախագահի աշխատակազմի հաշվետվությունը ներկայաց-նում էր նրա տեղակալ Պողոսյան խաչիկը: Վերջինս, նկատենք, Շիրակի փոխմարզպետն է եղել 33 երկրորդ նախագահ Ռոբերտ Քոչարյանի իշխանու-թյան տարիներին:



Երկուշաբթի օրը՝ հունիսի 5-ին, արտաքին գործերի նախարար Արարատ Միրզոյանը կգնա խորհրդարան: Տեսական ժամանակ է՝ ԲՊ-ականներն անհամբեր սպասում են, որ հանդիպեն Միրզոյանի հետ, քանի որ վերջինս գործադիր տեղափոխվելուց հետո իր կապը խզել է ԲՊ-ական պատ-գամավորների հետ, անգամ հրաժարվել է դառնալ ԲՊ վարչության անդամ, որպեսզի խմբակցության իր թիմակիցների հետ հնարավորինս քիչ շփվի: «Ժողովուրդ» օրաթերթի տեղեկություններով՝ ԲՊ -ականները երկուշաբթի պատրաստվում են հարցախեղդ անել նրան, որպեսզի հասկանան՝ ի վերջո ինչ բանակցություններ է վարում Հայաստանի Արթուրյանի հետ: ԲՊ-ամերձ մեր աղբյուրների փոխանցմամբ՝ խմբակցության ներսում ներքին քննարկում-ներ կան, որ պետք է Միրզոյանին այդ օրը սեղմեն, որ խզել է կապը թիմակիցների հետ:



«Ցեղասպանության ճանաչումը՝ օրի մեջ, բան չի տալիս մեզ, բացի բարոյական շոյվածությունից»։ այս խոսքերի հեղինակը Սփյուռքի հարցերով հանձնակատար Զարեհ Սինանյանն է, որը բավականին շատ է սիրում մեկնել գործուղումների, այլ կերպ ասած՝ ճամփորդել՝ պետությունների հաշ-վին, սակայն նախկին սփյուռքահայ ցեղասպանության ճանաչման հարցն անկիմաստ մի բան է համարում: Բայց այդ գաղափարի կրող պաշտոնյան մի-այն 2022 թվականին 13 գործուղման է մեկնել տարբեր երկրներ: 2022 թվականին կառուցվել է 578 մլն 945 հազար դրամ: Այս տարի եւս Զա-րեհ Սինանյանն ակտիվ ճամփորդող է: «Ժողովուրդ» օրաթերթը տեղեկացավ, որ նախորդ ամիս նա մեկ շաբաթով Գերմանիայում է եղել, ապրիլ ամ-սին նա ութ օրով Իսպանիայում էր: Ամենաուշագրավ գործուղումը եղել է փետրվարին. նա փետրվարի 17-ից մինչեւ մարտի 2-ը եղել է ԱՄՆ-ում: Հիշ-եցնենք, որ մինչ Հայաստանում պաշտոն ստանալը Սինանյանը ԱՄՆ-ում էր բնակվում, իսկ հիմա էլ ԱՄՆ է մեկնում պետությունների հաշվին:



ԱՐՁԱԳԱՆՔ

ՄԱՐԿԱՆՆԵՐԸ՝ ԿԱՍԿԱԾԻ ՏԱԿ

«Ժողովուրդ» օրաթերթը վերջին օրերի՝ Նիկոլ Փաշինյանի ազմկահարույց ելույթների մասին գրուցել է սահմանադրագե Վարդան Պողոսյանի հետ:

-Վերջերս վարչապետ Նիկոլ Փաշինյանը ԱԺ ամբիոնից մի այնպիսի հայտարարություն արեց, որը տարբեր մեկնաբանությունների առիթ տվեց. ասում է՝ մենք ապրում ենք մի անպիսի երկրում, որը «կադաստրի վկայական» չունի: Թեև գիտենք, որ Հայաստանը ՄԱԿ-ի կողմից ճանաչված պետություն է, շուրջ 100-ից ավելի պետություններ ճանաչել են մեր տարածքային սահմանները, բայց Փաշինյանի ասածից ստացվում է, որ Ադրբեջանը պետք է մեզ վկայական տա, որպեսզի մեր սահմանները ճանաչվեն: Ի՞նչ կասեք այս մասին:

-Փաշինյանը պարզապես անգրագետ է, դավաճան, ով չի հասկանում ինչ է խոսում, եւ որոշել է հերոս ձեռնալ՝ պնդելով, որ մինչ այսօր Հայաստան գոյություն չունի, եւ ինքը հիմա Ալիեից ստանալու է այդ «կադաստրի վկայականը»: Բնականաբար, այդ պնդումը որեւէ հիմք չունի՝ ոչ իրավական, ոչ պատմական: Սա վկայում է միայն այն մասին, որ Փաշինյանը իսկապես բռնել է Հայաստանը կործանելու ճանապարհը: Ուրիշ մեկնաբանություն դժվար է տալ այնպիսի մի հայտարարության, որը, չեմ կարծում, որեւէ առողջ բանականություն ունեցող մարդ, առավել եւս՝ երկրի վարչապետ, կարող էր անել սեփական երկրի հետ կապված:

-Ըստ Ձեզ՝ Փաշինյանը իր այս հայտարարությամբ արդյոք կասկածի տակ չի՞ դնում, նախ, մեր տարածքային սահմանները, ու հնարավորություն չի՞ տալիս, որպեսզի Ադրբեջանը հետագայում տարածքային նոր պահանջներ ներկայացնի մեզ:

-Նա ոչ միայն կասկածի տակ է դնում մեր սահմանները, այլևս Հայաստանի Հանրապետությունն ինքնին: Այսինքն՝ եթե ասում է, որ մենք էստեղ էս տարածքում, տնվոր ենք, դրանից ուղղակիորեն բխում է, որ այլ պետություններ իրավական հավակնություններ ունեն այն տարածքի նկատմամբ, որտեղ մենք այսօր բնակվում ենք: Սրանով կասկածի տակ է դրվում Հայաստանի Հանրապետության գոյությունը, ոչ թե սահմանը. մի քիչ այս կողմ կամ այն կողմ է, իհարկե, դա էլ շատ կարեւոր է, բայց էստեղ ավելի մեծ խնդիր կարող է առաջանալ՝



կամ Հայաստանի Հանրապետություն, թե՛ չկա՝ ըստ Փաշինյանի:

-Ձեր թույլտվությամբ՝ կխնդրեմ անդրադառնալ եւս մեկ հայտարարության: Գիտենք, որ ասուլիսի ընթացքում հայտարարեց, որ եթե, ի վերջո, Հայաստանը եւ Ադրբեջանը համաձայնության գան, եւ խաղաղության պայմանագիրը կնքվի, ու միմյանց տարածքային ամբողջականությունը ճանաչեն, Արցախը ճանաչվելու է որպես Ադրբեջանի մաս, ու ոչ միայն Արցախը, այլևս անկախները: Սա իրենից ի՞նչ է ենթադրում ըստ Ձեզ, եւ ի՞նչ սպառնալիքներ կարող է ներկայացնել:

-Նորից որեւէ անհնարություն չունի Փաշինյանի ասածը միջազգային իրավունքի հետ: Տարածքային ամբողջականության ճանաչումը երբեւէ չի նշանակում, որ դու ճանաչում ես տվյալ երկրի սահմանները, եթե դրա վերաբերյալ չկա հա-

տուկ հայտարարություն: Երկու երկրների միջեւ սահմանները սահմանում են միայն երկու երկրները իրար մեջ կնքած պայմանագրով, եւ այդ տարածքային ամբողջականության վերաբերյալ հարցը որեւէ անհնարություն չունի Արցախի տարածքային պատկանելիության հետ, եւ, ըստ էության, Փաշինյանն իր այդ հայտարարությամբ կասկածի տակ է դնում ոչ միայն Արցախի Հանրապետության գոյությունը՝ ուղղակիորեն պնդելով, որ Արցախի Հանրապետություն չկա, եւ դա ադրբեջանական տարածք է, այլևս կասկածի տակ է դնում Հայաստանի Հանրապետության տարածքային ամբողջականությունը, որովհետեւ ՀԽՍՀ տարածք այլեւս գոյություն չունի: Գոյություն ունի ՀՀ տարածք, որի մեջ մտնում են, այսպես կոչված, ադրբեջանական նախկին անկախները:

Զրուցեց ԶԻՆՍԻՆԱ ՄՈՒՇԵՂՅԱՆԸ



ԴԱՏԱԽԱՉՈՒԹՅՈՒՆՈՒՄ ԻՐԱՐ ԵՆ ԽԱՆՎԵԼ

ՀՀ գլխավոր դատախազությունը, թերեւս վախենալով Armlur.am-ի բացառիկ տեսանյութի հրապարակումից, որտեղ ՆԳՆ Տավուշի մարզի Դիլիջան քաղաքի քրեականի պետ Ա.Ղայթմազյանը ծեծում է անչափահաս տղային, որոշեց վերացնել քրեականի պետի նկատմամբ քրեական հետապնդում չհարուցելու որոշումը: Դատախազությունը այս քայլով փորձեց արդար ձեռնալ, թե որոշում վերացնելով՝ իր կառույցում առկա վիճակը կարգավորվեց, մինչդեռ անչափահասին ծեծելու գործը փակելու համար առնվազն պետք է համակարգից հեռացվի Տավուշի մարզի դատախազ Գոռ Ալոյանը, քանի որ իր ենթակա դատախազի հետ նման որոշում է կայացրել՝ ազդարարելով, թե քրեականի պետի արարքի մեջ հանցակազմ չկա:

Ավելին՝ Տավուշի մարզի դատախազ Ալոյանը ինքն է օրինականությունը ստուգելու համար կից գրությամբ ուղարկում գործերը գլխավոր դատախազություն:

Այստեղ հարց է առաջանում արդյոք կարճված վարույթը արդեն իսկ ուղարկված չի եղել Գլխավոր դատախազություն՝ օրինականության ստուգման: Այս իրավիճակում մի ուշագրավ հանգամանք էլ կա. որոշման վերացնելուց բացի, պետական շահերի պաշտպանության գործառույթի շրջանակներում ստուգում են նշանակել «Հաղարծին» հյուրանոցային համալիրում աշխատանքում անչափահասների ներգրավման հարցը պարզելու համար, ինչը ոչ մի կապ չունի դատախազության լիազորությունների հետ: Պարզ երևում է, որ դատախազությունում խառնվել են իրար եւ ընկել են հյուրանոցի տնօրինության հետեւից՝ կարծելով, թե նրանք են մեզ տրամադրել ազմկահարույց տեսաձայնագրությունը: Սա առավել ցայտուն է դարձնում, որ գործը փակվել է դատախազության նախաձեռնությամբ, եւ զայրացած են, որ սեւերես դարձան հրապարակումից հետո:

Հիշեցնենք, որ հունիսի 1-ին հրապարակեցինք բացառիկ տեսանյութ, որտեղ Դիլիջանի քրեականի պետ Արսեն Ղայթմազյանը ծեծում է անչափահաս տղային: Դեպքի առթիվ հարուցվում է քրեական վարույթ, որն ավելի ուշ կարճվում է, քանի որ պետը զղջում է, որ նման բան է արել: Մեր ազմկահարույց հրապարակումից հետո կարճված գործը վերաբացվեց, քրեականի պետի լիազորությունները դադարեցվեցին, ու նրա նկատմամբ հանրային քրեական հետապնդում հարուցվեց:

ՊԱՏՎԻՐԱԿՈՒԹՅՈՒՆԸ ԺԱՄԱՆԵՑ

Երեկ Հայաստան է ժամանել Եվրոպական խորհրդի Արեւելյան Եվրոպայի եւ Կենտրոնական Ասիայի հարցերով աշխատանքային խմբի պատվիրակությունը:

Պատվիրակությանը ընդունել է Ազգային ժողովի արտաքին հարաբերությունների մշտական հանձնաժողովի նախագահ Սարգիս Խանդանյանը:

Պատվիրակությունը Հայաստանում կլինի մինչեւ հունիսի 4-ը:

Պատվիրակությանը ընդունելությունը կկազմակերպվի պետական բյուջեով Ազգային ժողովին այդ նպատակի համար հատկացված միջոցների հաշվին:

ԶԻՆՍԻՆԱ ՄՈՒՇԵՂՅԱՆԸ

ԱՆՅԵՏԱՅԵԼ Է

Ո՞ՒՐ Է ՎԱՐԷ ՀԱԿՈՒԹՅԱՆԸ

«Վերածնվող Հայաստան» կուսակցության նախագահ, ԱԺ նախկին դասգավոր Վահե Հակոբյանը, որը նախկինում բավականին ակտիվ մասնակցում էր հաղափական գործընթացներին, սա սուր քննադատում էր Նիկոլ Փաշինյանին եւ իշխանության մյուս ներկայացուցիչներին, անհասկանալի դասճառներով վերջին Երջանում դասավանդել է, հաղափական որեւէ գործընթացների չի մասնակցում:

«Ժողովուրդ» օրաթերթի տեղեկություններով՝ վերջինս բացակայում է երկրից ու պատգամավորական մանդատը վայր դնելուց հետո սկսել է շատ զգուշավոր լի-

նել իշխանությունների հետ կապված ցանկացած հարցում:

Հիշեցնենք, որ նոյեմբերի 29-ին Վահե Հակոբյանը հայտարարեց, որ հրաժարվում է պատգամավորական մանդատից, ու հեռացավ խորհրդարանից:

«Վերածնվող Հայաստան» կուսակցությունը շարունակելու է իր գործունեությունը ընդդիմադիր դաշտում՝ կուսակցության հռչակած արժեքների ու քաղաքականության շրջանակներում», - հեռանալուց հետո նման հայտարարություն էր արել Վահե Հակոբյանի ղեկավարած կուսակցությունը: Իսկ ո՞ւր է այս պահին Վահե Հակոբյանը, ինչո՞ւ նրա ղեկավարած կուսակցությունը որեւէ ակտիվ աշխատանքով զբաղված չէ: Մենք փորձեցինք

այս հարցերի շուրջ զրուցել Վահե Հակոբյանի հետ:

Պարզվեց՝ Հակոբյանը շատ ագրեսիվ է տրամադրված, ու հայտարարեց, թե մեր հարցերին չի ցանկանում պատասխանել:

«Ես Հայաստանում եմ, ոչ մի տեղ չեմ մեկնել, իսկ եթե իմ ակտիվության մասին եք ուզում իմանալ, կարող եք մտնել «Վերածնվող Հայաստան» կուսակցության էջ, ամեն ինչ պարզ կերտա», - ասաց Վահե Հակոբյանը՝ անջատելով հեռախոսը:

Թե ինչու է Վահե Հակոբյանը նման վարք ցուցաբերում, դժվար է ասելը, բայց այն, որ նա անհետացել է քաղաքական դաշտից ու, որպես ընդդիմություն, չի քննադատում ներկայիս իշխանության վարած քաղաքականությունը, ակնհայտ է:

ՀԱՆՐԱՊԵՏՈՒՄ

ՀԱՅԿԱԿԱՆ ՀԱՄԱՅՆՔԸ՝ ՄՈԼՒՌՈՎԱՅՈՒՄ

ԿՐԹԵՐԸ՝ ԲՐՅՈՒՄՈՎՈՒՄ

«Ժողովուրդ» օրաթերթի խմբագրությունն է ահազանգել Վալերի Բոյունովի անվան պետական լեզվաբանական համալսարանի ուսանողուհի Մանե Արշակյանը:

Մեր գրուցակցի խոսքով՝ Վ. Բոյունովի անվան պետական համալսարանի ռեկտորի ժամանակավոր պաշտոնակատար Դավիթ Գյուրջինյանն իր վարչական կազմով արշավ է սկսել այն ուսանողների դեմ, որոնք համակարծիք չեն իրենց հետ:

-Մի քանի ամիս առաջ, երբ Դավիթ Գյուրջինյանը նշանակվեց ռեկտորի ժամանակավոր պաշտոնակատար, ուսանողական խորհրդի շատ անդամներ հրաժարական տվեցին: Դրանից մի քանի շաբաթ հետո ռեկտորի կողմից որոշվեց, որ ՌԻՄ-ն պետք է գնա ընտրությունների: Ստեղծվեց հանձնաժողով՝ կազմված 5 ուսանողից եւ 5 ռեկտորատի անդամից: Դրանից հետո, երբ որ ուսանողները իրենց դիմումները ներկայացրին, մի քանի հոգու հայտ դիտարկվեց վիճարկելի, որոնցից մեկն իմն էր, քանի որ ես առաջին կուրսի ուսանող էի, ու այդ ընտրական խորհուրդը որոշեց, որ իմ հարցը պետք է դրվի քննարկման: Քննարկում իրականացնող ուսանողական ընդհանուր ժողովը՝ 25/1 հարաբերակցությամբ, այսինքն՝ 180 ուսանող պետք է մասնակցի այդ ամենին: Քանի որ սեպտեմբերին նախկին ուսանողական խորհուրդը պետք է էր ամեն ինչը աներ, բայց չէր արել, ընտրական հանձնաժողովը էլ ամենը վերցրեց իր ուսերին: Սկսեցին հավաքագրել ուսանողներին: Առաջին օրը արդյունքի չհասան, երկրորդ օրը ուսանողության շրջանում հավաքագրեցին: Հաջորդ օրը, երբ որ հրավիրվեց ընդհանուր ժողովի նիստ (կանոնադրությամբ էսպես է՝ ամենաքիչը 91 հոգի պետք է մասնակցի, որ վավեր համարվի ամեն ինչը), մասնակցեցին 44 հոգի, որը նույսիկ 25%-ն էլ չի կազմում ընդհանուր ժողովի, ու դրեցին ընդհանուր քննարկման 4 ուսանողի հարց, որոնցից մեկը ես էի: Այն պատճառաբանությամբ, որ ես առաջին կուրսի ուսանող եմ, իմ նախագահության թեկնածու լինելու հայտը մերժվեց, իսկ ինձնից առաջ քննարկվել է մի աղջկա հարց, որը էլի առաջին կուրսեցի էր՝ այլ ֆակուլտետից: Իրեն հաստատում են, ու չի խանգարում այն հանգամանքը, որ առաջին կուրսի ուսանող է: Ես ենթադրում եմ, որ քանի որ վերջին շրջանում ուսանողական խորհրդի ու ռեկտորի հարաբերությունները լարված էին՝ կապված ժամանակավոր պաշտոնակատարի լիազորությունների հետ (ուսանողները դժգոհում էին, եւ մենք ուսանողների կողքին էինք), դրա համար բուհի վարչակազմը ինչ-որ ապօրինի գործընթացներ է սկսել մեր դեմ եւ չի լսում ուսանողների ձայնը:

ԼԻՊԱ ԵՐԻԱԶՍՐՅԱՆ

Նիկոլ Փաշինյանը ցանկանում է որդես Հայաստանի Հանրապետության վարչապետ հասնել նրան, որ աղապա սերունդներին թողնի ՀՀ կադաստրի լրացված եւ ամբողջական վկայական:

Փաշինյանն այս մասին ասաց «Մալուկ Բեյի» պալատում Մոլդովայի հայ համայնքի ներկայացուցիչների հետ հանդիպմանը:

«Մենք խոսում ենք տարածքային ամբողջականության ճանաչման մասին եւ քայլ-քայլ գնում ենք»,-ասաց Փաշինյանը:

Իսկ թե ինչու է այդպես անում, վարչապետը հիշեցրեց, որ վերջերս «կադաստրի վկայականի» հետ կապված՝ ԱԺ-ում կատարած իր հայտարարությունը բանավեճի տեղիք է տվել:

«Ես շատ ուզում եմ, որ, որպես ՀՀ վարչապետ, հասնեմ մի արդյունքի, որ մեր ապագա սերունդներին թողնեմ Հայաստանի Հանրապետության կադաստրի լրացված եւ ամբողջական վկայական»,-ասաց Փաշինյանը:

Ըստ Հայաստանի Հանրապետության վարչապետի՝ ոչ թե պետք է մտածել, թե ով կերաշխավորի Հայաստանի անվտանգությունը, այլ պետք է մտածել, թե ինչը կերաշխավորի այդ անվտանգությունը. անվտանգությունն ապահովողը խաղաղությունն է:

Վարչապետը նշեց, որ ՀՀ-ն վերջին 2 տարում մեծ տնտեսական դինամիկա ունի: Մեկ շնչի հաշվով ՀՀ-ի մասով լուրջ առաջընթաց է գրանցվում:

«Ես համոզված եմ, որ եթե մենք կարողանանք մարդկանց համար գործունեության պատշաճ պայմաններն ապահովել, Հայաստանը շատ արագ կգարգանա: Այդ գարգացման նպատակը պետք է լինի մարդու բարեկեցությունը, երջանկությունն ու անվտանգությունը»,-ասաց վարչապետը:

Փաշինյանը վստահեցրեց է, որ չկա այնպիսի անկլավ, որը երկրի համար կարող է ճանապարհային անլուծելի խնդիր առաջացնել:

Փաշինյանն այս մասին ասաց՝ անդրադառնալով հարցին՝ 1975 թ.-ի քարտեզով Տիգրանաշենը Հայաստանին է արդյոք, թե Ադրբեջանին:

«Քաղաքական մակարդակով՝ մենք ելնում ենք այն կանխավարկածից, որ այնտեղ եղել է «Քյարքի»: Մենք ասում ենք, որ պետք է իրավական հիմքերը նայենք:

ՕՐՎԱ ԽՃԱՆԿԱՐ

ԳՆՈՒՄՆԵՐԸ ՆՎԱԶԵԼ ԵՆ

Կառավարության քաղաքականության արդյունքում մեկ անձից գնումներ կատարելու դեպքերը նվազել են. Ազգային ժողովի պետական-իրավական հարցերի ու ֆինանսավարկային եւ բյուջետային հարցերի մշտական հանձնաժողովների համատեղ նիստի ժամանակ այս մասին ասաց ֆինանսների նախարար Վահե Հովհաննիսյանը:

«Նախկինում մեկ անձից գնումների որոշումները կայացնում էր Կառավարությունը, հիմա փոխել ենք կարգը, եւ մեկ անձից գնումների որոշումն իր պատասխանատվությամբ իրականացնում է գերատեսչության ղեկավարը: Այս քաղաքականության փոփոխության արդյունքում ունենք մեկ անձից գնումների նվազում: Հաշվի առնելով այն պատասխանատվու-



թաղաքական առումով, եթե կարգվի, որ այդ քարտեզով Ադրբեջանին է, մենք ոչ մի խնդիր չունենք»,-ասաց Փաշինյանը: Ըստ վարչապետի՝ դեռ փաստ չէ, որ Ադրբեջանը կուզի՝ Արծվաշենը վերադարձնի եւ Տիգրանաշենը վերցնի: Փաշինյանը ցանկանում է, որ այդ հարցի արժեքը չգերազանհատվի:

«Այնպիսի անկլավ չկա, որը մեզ համար առաջացնի ճանապարհային այնպիսի խնդիր, որն անլուծելի է: Չկա այնպիսի հարց: Եթե ճանապարհն, օրինակ, այսպես չի կարող անցնել, այնպես կանցնի: Ոչ մի խնդիր չկա: Իրականում մենք մեր ճանապարհային ցանցն այսօր էլ Հանրապետությունում այնքան ենք գարգացնում, որ այդպիսի անլուծելի խնդիր չկա»,-ասաց Փաշինյանը:

Վարչապետի կարծիքով՝ այդ անկլավների հարցով շատ թեմաներ օգտագործում են Հայաստանի հանրության վրա հոգեբանական ազդեցություն գործելու համար:

«Մենք ասում ենք, որ քաղաքական մակարդակում անկլավներն ընդունում ենք, իրենք էլ ընդունում են Արծվաշենը: Արծվաշենն էլ է անկլավ: Ենթադրենք, Ադրբեջանն ուզում է դա, ուրեմն մենք էլ վերցնում ենք Արծվաշենը»,-նշեց նա:

Վարչապետը հավելեց՝ շատ հարցեր կան. օրինակ՝ թե քաղաքացիներն այդ ճանապարհը ոնց պետք է անցնեն. բազմաթիվ հարցեր պետք է համաձայնեցվեն: Վարչապետը հորդորեց թույլ չտալ, որ այդ թեման հոգեբանական ազդեցություն գործելու համար գործիք դառնա:

ՔՆՆԱՐԿՈՒՄ ԱՐՑԱԽՈՒՄ

Արցախի Հանրապետության նախագահ Արայիկ Հարությունյանը հունիսի 2-ին հանդիպել է Ազգային ժողովի պատգամավորների հետ:

Ինչպես հայտնում է Արցախի նախագահի աշխատակազմը, Արայիկ Հարությունյանը ներկայացրել է Արցախի շուրջ ծեւափորված ռազմաքաղաքական վերջին զարգացումները, անդրադարձել Հայաստան-Ադրբեջան բանակցային գործընթացին, խոսել ստեղծված իրավիճակում գործադիր իշխանության քայլերի մասին: Նախագահ Հարությունյանը պատասխանել է ներքին ու արտաքին հիմնախնդիրների վերաբերյալ պատգամավորների՝ շուրջ երկու տասնյակ հարցերին: Տեղի է ունեցել մտքերի փոխանակություն՝ համատեղ անելիքների շուրջ:

ՄԻՋՆՈՐԴՈՒԹՅՈՒՆ

ՔՐԵԱԿԱՆ ԶԵՏԱՊՆԴՈՒՄ

2023 թվականի հունիսի 2-ին, Տավուշի մարզի դատախազի որոշմամբ, վերացվել է Ներքին գործերի նախարարության ոստիկանության Տավուշի մարզային վարչության Գիլիջանի բաժնի ֆրեական հետախուզության բաժանմունքի ղեկավար Ա. Ղայթմազյանի նկատմամբ հանրային ֆրեական հետախուզում չհարուցելու վերաբերյալ միջնորդությունը բավարարելու մասին որոշումը:

Նույն օրը Տավուշի մարզի դատախազության դատախազի կողմից վարույթն իրականացնող քննիչին տրվել է հանձնարարություն՝ քրեական վարույթ նախաձեռնելու մասին արձանագրության մեջ փոփոխություն կատարելու վերաբերյալ՝ ենթադրյալ հանցանքի փաստական նկարագրությունը եւ տրված իրավական գնահատականը շտկելու համար, ինչը կատարվել է:

Դատախազի որոշմամբ՝ Ոստիկանության Գիլիջանի բաժնի քրեական հետախուզության բաժանմունքի պետ Ա. Ղայթմազյանի նկատմամբ հարուցվել է հանրային քրեական հետախուզում՝ Քրեական օրենսգրքի 196-րդ հոդվածի 2-րդ մասի 3-րդ կետով (անչափահասին ֆիզիկական ուժեղ ցավ կամ հոգեկան ուժեղ տառապանք պատճառելը), այն բանի համար, որ Ա. Ղայթմազյանը 2023 թվականի ապրիլի 10-ին՝ ժամը 23:30-ի սահմաններում, գտնվելով Տավուշի մարզի Գիլիջան քաղաքի «Հաղարծին» ռեստորանային եւ հյուրանոցային համալիրում, անհիմն վիճաբանության մեջ է մտել ռեստորանի աշխատակից, անչափահաս Ա.Ա.-ի հետ, ձեռքի պիտակով բազմաթիվ հարվածներ է հասցրել Ա.Ա.-ի գլխի եւ մարմնի տարբեր մասերին՝ անչափահասին պատճառելով ուժեղ ֆիզիկական ցավ:



Դատախազի կողմից վարույթն իրականացնող քննիչին տրվել է նաեւ հանձնարարություն՝ Ա. Ղայթմազյանին մեղադրանք ներկայացնելու, ազատության մեջ գտնվող մեղադրյալին ձերբակալելու եւ կալանավորումը որպես խափանման միջոց ընտրելու մասին դատարան միջնորդություն ներկայացնելու վերաբերյալ:

Տրված հանձնարարությամբ պահանջվել է քննության առարկա դարձնել բոլոր հնարավոր վարկածները, պարզել տեղի ունեցածի իրական պատճառները, ինչպես նաեւ քննության առարկա դարձնել անչափահաս տուժողի՝ Նշված համալիրում աշխատելու իրավական հիմքերը:

Միեւնույն ժամանակ, դատախազի կողմից, պետական շահերի պաշտպանու-

թյան հայց հարուցելու լիազորությունների շրջանակում, «Հաղարծին» ռեստորանային եւ հյուրանոցային համալիրում սկսվել է ուսումնասիրություն, ի թիվս այլնի, անչափահասներին աշխատանքի ընդունելու օրենքով սահմանված կարգի հնարավոր խախտումները վեր հանելու եւ իրավական գնահատականի արժանացնելու նպատակով:

Հիշեցնենք, որ «Ժողովուրդ» օրաթերթի ձեռքբում էր հայտնվել տեսանյութ, որտեղ Ներքին գործերի նախարարության Տավուշի մարզի Գիլիջան քաղաքի քրեականի պետը հյուրանոցներից մեկում ծեծի է ենթարկում 16-ամյա անչափահաս տղային:

ԹՄՐԱՆՅՈՒԹ

ԱՆՆԱՆԳՄՏԱՑՆՈՒՄ Է



Մայիսի 3-ին Ազգային ժողովում ԱԺ «Քաղաքացիական պայմանագիր» խմբակցության պատգամավոր Էդուարդ Աղաջանյանը հայտարարել էր, որ որեւէ միջին վիճակագրական խնջույք առանց թմրանյութերի չի անցնում, եւ հարց էր ուղղել ՆԳ նախարար Վահե Ղազարյանին, թե ինչով է պայմանավորված այն հանգամանքը, որ ոստիկանական ռեյդերն անցկացվում են որոշակի ենթամշակութային առանձնահատկություն ունեցող ժամանակի վայրերում:

Ի պատասխան՝ Վահե Ղազարյանը նշել էր, որ իրենք օպերատիվ ստացված տվյալների հիման վրա են ռեյդեր իրականացնում եւ ուղղակի պարտավոր են արձագանքել այդ օպերատիվ տեղեկություններին: «Դրանով մենք մեծ խոջընդոտ չենք հանդիսացել տվյալ տևտեսվարողին:

Ինձ թվում է՝ մենք կատարել ենք մեր գործառնությունները, կարելու է մենք ունենք արդյունք. այ եթե չունենային արդյունք, դա հարցի մյուս կողմն է»,- ասել էր նա՝ ընդգծելով, որ ոստիկանության գործողությունների իրավաչափության հարցով գործընթաց կա:

«Ժողովուրդ» օրաթերթը ՀՀ վարչապետի աշխատակազմի ղեկավար Արայիկ Զարուբանյանից հետաքրքրվել է, թե վերջին անգամ երբ է խնջույքի մասնակցել եւ ինչ թմրանյութ է օգտագործել:

-Վերջին անգամ խնջույքի մասնակցել եմ մեկ շաբաթ առաջ. թմրանյութ չի եղել իսկ թմրանյութի օգտագործման մասին հարց, կարծում եմ, անտեղի է տալ:

Խոսելով Հայաստան նեմուծված մեկ տոննա Զերոինի մասին՝ Զարուբանյանը նշեց.

-Ամբողջը եթե չի եղել՝ ե՛րբ եմ բացահայտումները, ե՛րբ վերաբերյալ տեղեկատվությունը: Քննություն է գնում: Շատ է անհանգստացնում ինձ այս ամենը, եւ մենք՝ վարչապետի գլխավորությամբ, բազմիցս քննարկումներ ենք ունեցել, տրվել են հանձնարարականներ: Կարծում եմ՝ վերջին շրջանի բացահայտումների ավելացումը կապված է նաեւ այդ հանձնարարականների հետ:

ՔՆՐ ՄՍՆՈՒԿՅԱՆ

ՔՐԵԱԿԱՆ

ՄԱՆԱՑՈՂՆԵՐԸ ՀՅՈՒՐ ԷԻՆ

Հունիսի 1-ին Երեւան քաղաքում կնոջ կողմից իր մանկահասակ երեխայի հետ շենքից ցած նետվելու դեպքի առթիվ քրեական վարույթ է նախաձեռնվել:

2023թ. հունիսի 1-ին՝ ժամը 12:25-ին, ՀՀ ՆԳՆ ոստիկանության օպերատիվ կառավարման կենտրոնից հարդրում է ստացվել, որ Երեւան քաղաքի Սվաճյան փողոցի շենքերից մեկի հարկերից մեկից մայրը եւ երեխան ընկել են:

Պարզվել է, որ Երեւան քաղաքի Հարավ-Արեւմտյան թաղամասի 29-ամյա բնակչուհին, որպես հյուր գտնվելով Սվաճյան փողոցի Նշված շենքի 6-րդ հարկի բնակարաններից մեկում, ննջասենյակի պատուհանից իր մոտ 11-ամսական տղայի հետ ցած ներսվելու եղանակով ինքնասպան է եղել:

Նույն օրը՝ ավելի ուշ, «Սուրբ Աստվածամայր» ԲԿ-ից ահազանգ է ստացվել, որ Նշված շենքի բակից իրենց մոտ տեղափոխված երեխան, գիտակցության չգալով, մահացել է:

Դեպքի առթիվ նույն օրը ՀՀ ԵԶԵԿ Մալաթիա-Սեբաստիա վարչական շրջանի քննչական բաժնում, ՀՀ քրեական օրենսգրքի 155-րդ հոդվածի 1-ին մասով (սպանություն) եւ 162-րդ հոդվածի 1-ին մասով (ինքնասպանության հասցնելը), նախաձեռնվել է քրեական վարույթ:

Կատարվել է դեպքի վայրի գնություններ: Նշանակվել են դիակի դատաբժշկական փորձաքննություններ:

Որպես վկա հարցաքննվել են կնոջ մերձավոր ազգականները, դեպքի վայր հանդիսացող շենքի բնակիչները:

Նախաքննությունը շարունակվում է, միջոցներ են ձեռնարկվում տեղի ունեցած պատճառները, հանգամանքները բացահայտելու ուղղությամբ:

ՉԵՐԲԱԿԱՎԵԼ ԵՆ

Մայիսի 24-ին հայտնի դարձավ, որ կաշառք ստանալու մեղադրանքով ձերբակալվել են ԵՊՀ տնտեսագիտության եւ կառավարման ֆակուլտետի ղեկան Հայկ Սարգսյանը, Նրա տեղակալը, Նույն ֆակուլտետի երկու դասախոսներ՝ Գագիկ Տոնյանն ու Արմեն Ներսիսյանը: «Ժողովուրդ» օրաթերթը գրուցել է ՀՀ վարչապետի աշխատակազմի ղեկավար Արայիկ Զարուբանյանի հետ՝ պարզելու համար, թե ինքը, լինելով ԿԳՄՍ նախկին նախարար, տեղյակ չի եղել արդյոք, թե կրթության ոլորտում ինչ է կատարվում:

Հիշեցնենք, որ երեկ գրել էինք, որ ԵՊՀ-ի մեր աղբյուրները փոխանցեցին, որ Հայկ Սարգսյանին մեկ ամիս ժամանակ էր մնացել պաշտոնավարելու. առաջիկայում նոր ղեկանի ընտրություններ պետք է լինեին:

ԱԶԱՏՎԵՑԻՆ ՊԱՇՏՈՆՆԵՐԻՑ

ՀՀ քննչական կոմիտեի նախագահ Արգիշտի Քյարամյանի հրամանով՝ զբաղեցրած պաշտոններից նախօրին ազատվել են ՀՀ քննչական կոմիտեի Երեւան քաղաքի քննչական վարչության Արաբկիր վարչական շրջանի քննչական բաժնի պետ Գառնիկ Մաթետոյանը եւ նույն ստորաբաժանման պետի տեղակալներ Արտակ Սկրտչյանը եւ Արմեն Մուրադյանը:

ԵԿ նախագահի մեկ այլ հրամանով՝ ՀՀ քննչական կոմիտեի Երեւան քաղաքի քննչական վարչության պետի տեղակալ Նարեկ Շահինյանը գործուղվել է ՀՀ քննչական կոմիտեի Երեւան քաղաքի քննչական վարչության Արաբկիր վարչական շրջանի քննչական բաժնի ստորաբաժանման աշխատանքները կազմակերպելու նպատակով:

● Ըստ ոստիկանության տվյալների՝ հունիսի 1-ից 2-ը Հայաստանի Հանրապետությունում բացահայտվել է հանցագործության 53 դեպք, որոնցից 3-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

5 ԵՐԵԽԱՆԵՐ՝ «ՍՕՍ-ՄԱՆԿԱԿԱՆ ԳՅՈՒՂ»-ՈՒՄ

Մայիսի 25-ին՝ ժամը 02:25-ի սահմաններում, ոստիկանության Իջեանի բաժին ահազանգ է ստացվել, որ Իջեան խոշորացված համայնքի սահմանամերձ Սեւքար գյուղի եկեղեցուն հարակից «Եղեկներ» վայրում ծառից կախված դի կա: Ոստիկաններն ու քննիչները ծառից կախված հայտնաբերել են 17-ամյա Սյուզաննա Տորիաշվիլիի դին: արջկա մոտ հայտնաբերվել է նամակ՝ ուղղված մորը:

Սեւքարի բնակիչներն ասում են, որ մորն ուղղված նամակում արջիկը մոր հանդեպ իր ջերմ զգացմունքի մասին է գրել: Ծառից կախված արջիկը ընտանիքի 7 զավակներից մեկն էր, ընտանիքի հայրը ազգությամբ վրացի է: Ընտանիքը Սեւքար գյուղում վերաբնակվել է Իջեան համայնքի սահմանամերձ Կիրանց գյուղից, բարեգործները բազմազավակ այդ ընտանիքի համար Սեւքարում առանձնատուն են տան գույք են գնել: Ընտանիքի 7 երեխաներից ավագն արջիկ է, որն ամուսնացել է Իջեան համայնքի գյուղերից մեկում, Սյուզաննան եղել է ամուսնացած քրոջից տարիքով փոքր, ընտանիքի մյուս երեխաներից՝ տարիքով մեծ: Սյուզաննան օգնել է բազմազավակ, կարիքավոր ընտանիքի հոգսերը հոգայում, մասնավորապես որ ընտանիքի 7 երեխաներից մեկը մակահասակ է:

Ընտանիքի հայրը՝ Մամուկա Տորիաշվիլին, բանվորական աշխատանքներ է կատարել Ռուսաստանում, հետո վերադարձել է Սեւքար, Նախկինում վարձով ուրիշների ոչխարների հոտն է պահել: Ընտանիքի մայրը՝ Շաքե Ռոյանը, տարբեր աշխատանքներ է կատարել, սննդի օբյեկտներում մատուցող է աշխատել: Սյուզաննան դպրոցում միջին առաջադիմություն է ունեցել, նա 2021 թվականին թողել է ուսումը Սեւքարի դպրոցում:

Սեւքարի բնակիչները նշում են այդ ընտանիքի ոչ միայն կարիքավոր, այլ ավելի շատ անկազմակերպ լինելը, չհամախմբվածությունը: Իջեան խոշոր համայնքի ղեկավար Արթուր Ճաղարյանը հունիսի 1-ին՝ Երեխաների պաշտպանության օրը, որոշում է ընդունել՝ Տորիաշվիլի ընտանիքի երեխաների խնամքի վերաբերյալ:

Համայնքի ղեկավարը, հաշվի առնելով, որ Իջեան համայնքի Սեւքար բնակավայրի Շաքե Ռոյանի եւ Մամուկա Տորիաշվիլիի ընտանիքը գտնվում է կյանքի դժվարին իրավիճակում, որի հետեւանքով ընտանիքի 5 անչափահաս երեխաները՝ 2010թ. մարտի 29-ին ծնված Մանե Տորիաշվիլին, 2014թ. հուլիսի 14-ին ծնված Անգելինա Տորիաշվիլին, 2013թ. հուլիսի 11-ին ծնված Դավիթ Տորիաշվիլին, 2016թ. մայիսի 4-ին ծնված Դանիել Տորիաշվիլին, 2021թ. հոկտեմբերի 6-ին ծնված Էդմոն Տորիաշվիլին, գտնվում են հոգեբանական բարդ իրավիճակում, ծնողները չեն կարողանում իրականացնել երեխաների հետագա խնամքը ընտանիքում, ինչպես նաեւ ելնելով համայնքի խնամակալության եւ հոգեբարձության հանձնաժողովի դրական եզրակացությունից, որոշել է Սեւքարի բնակիչներ Շաքե Ռոյանի եւ Մամուկա Տորիաշվիլիի անչափահաս երեխաների՝ Մանե, Անգելինա, Դավիթ, Դանիել, Էդմոն Տորիաշվիլիների հետագա խնամքը «ՍՕՍ-Մանկական գյուղերի» «Իջեան» մասնաճյուղի կարճաժամկետ կենտրոնում իրականացնելու նպատակով դիմել մասնաճյուղի տնօրինությանը:

ՈՍԿԱՆ ՍՈՐԳՅԱՆ Տակուշ

ՇԻՆԱՐԱՐՈՒԹՅՈՒՆ

ԱՇԽԱՏԱՆՔՆԵՐԸ ԿԱՎԱՐՏՎԵՆ 2026Թ.-ԻՆ

Մեղրիի սահմանային անցակետի վերակառուցման եւ արդիականացման ծրագրի քննարկում հունիսի 2-ին տեղի է ունեցել Մեղրիի նոր անցակետի հիմնարկի արարողությունը, որին ներկա են զտնվել Պեսական եկամուտների կոմիտեի նախագահ Ռուստամ Բաղասյանը, Վերակառուցման եւ զարգացման եվրոպական բանկի Երեւանի գրասենյակի ղեկավար Ջորջ Ախալկացին, Սյունիքի մարզպետ Ռոբերտ Գուկասյանը, միջազգային կառույցների եւ այլ ղեկավար մարմինների ներկայացուցիչներ:



Ողջունելով միջոցառման մասնակիցներին՝ ՊԵԿ Նախագահ Ռուստամ Բաղասյանն առանձնահատուկ շնորհակալություն է հայտնել միջազգային բոլոր գործընկերներին, մասնավորապես՝ Եվրոպական միությանը, Վերակառուցման եւ զարգացման եվրոպական բանկին՝ համատեղ կատարված աշխատանքի համար: Ռուստամ Բաղասյանն ընդգծել է ոչ միայն միջազգային չափանիշներին համահունչ շենքային պայմանների, այլեւ Մեղրիի արդիականացված անցակետում բովանդակային փոփոխությունների կարևորությունը: «Մաքսային ծառայության որակը բոլորովին պետք է փոխվի, մենք պետք է տնտեսական անվտանգության պաշտպանության մեր գործառնությունը պատշաճ իրականացնենք եւ նպաստենք առեւտրի դյուրինացմանը, մեր գործընկերներին նպաստենք Հայաստանում բիզնեսի զարգացմանը եւ նոր բիզնես միջավայրի ձեւավորմանը», - նշել է ՊԵԿ Նախագահը:

ՎՋԵԲ Երեւանի գրասենյակի ղեկավար Ջորջ Ախալկացին բարձր է գնահատել Պեսական եկամուտների կոմիտեի հետ փոխգործակցությունը: «ՎՋԵԲ-ն աջակցում է Հայաստանին կապ հաստատել հարեւան երկրների հետ եւ դյուրինացնել առեւտրը: Սահմանային անցակետի արդիականացումը կնպաստի ենթակա-

ռուցվածքների զարգացմանը, աշխատանքային պայմանների բարելավմանը, եւ նոր տեխնոլոգիաների ներդրմամբ գործընթացն ավելի արդյունավետ կդառնա», - ասել է ՎՋԵԲ Երեւանի գրասենյակի ղեկավարը:

Մեղրիի սահմանային անցան կետի վերակառուցումը եւ արդիականացումն իրականացվում է ԵՄ եւ ՎՋԵԲ-ի միջոցով տրամադրված վարկային եւ դրամաշնորհային միջոցներով: 2020թ. փետրվարի 7-ին Հայաստանի Հանրապետության ու Վերակառուցման եւ զարգացման եվրոպական բանկի միջեւ ստորագրվել են ընդհանուր 21 146 263 եվրո արժեքով «Մեղրիի սահմանային անցակետի ծրագիր» վարկային եւ դրամաշնորհային համաձայնագրերը՝ ՀՀ ֆինանսների նախարարության ու Վերակառուցման եւ զարգացման եվրոպական բանկի հայաստանյան գրասենյակի կողմից:

Անցակետի շինարարական աշխատանքներն իրականացնում է միջազգային միջույթում հաղթող ճանաչված «Թա-

նա Էներջի Մենեջմենթ» ընկերությունը (Tana Energy Management Company): Շինարարական աշխատանքների նկատմամբ որակի տեխնիկական հսկողությունն իրականացնում է «Ռաֆթեն ինթերնեյշլ» սահմանափակ պատասխանատվությամբ ընկերությունը (Roughton International Limited Company):

Մեղրիի սահմանային անցակետի վերակառուցման եւ արդիականացման շինարարական աշխատանքները կավարտվեն 2026 թվականին, որի արդյունքում կունենանք միջազգային չափանիշներին համահունչ ժամանակակից անցակետ:

Արդյունքում Մեղրիի սահմանային անցակետի գործառնությունը լիարժեք ապահովելու նպատակով պայմանագրով նախատեսվում է կառուցել 4000 քմ կառուցապատման մակերեսով երկհարկանի վարչական շենք՝ տանիքում 1500 քմ արեւային էներգակայանով: Անցակետը կունենա մուտքի եւ ելքի ուղղությամբ տրանսպորտային միջոցների մանրամասն գնման, բեռնատար տրանսպորտային միջոցների ռենտգեն գնման եւ մաքսային ձեւակերպումների մասնաշենքեր, ինչպես նաեւ մարդատար տրանսպորտային միջոցների ռենտգեն գնման հարթակ, անասնաբուժական, սանիտարական եւ բուսասանիտարական հսկման կայան ու այլ ենթակառուցվածքներ: Մուտքի եւ ելքի ուղղությամբ յուրաքանչյուրում նախատեսվում է ունենալ 5 ուղեգիծ: Մեղրիի արդիականացված անցակետը հագեցված է լինելու նաեւ գերժամանակակից տարբեր սարքավորումներով, մասնավորապես՝ մարդատար տրանսպորտային միջոցների, ձեռքի ուղեբեռի եւ փոքրածավալ բեռների գնման, մարդկանց սքանավորման համար նախատեսված ռենտգենաճառագայթային, ինչպես նաեւ լաբորատոր սարքավորումներով, ՍՀԲ ռադիոկայաններով, տվյալների մշակման կենտրոնով, փաստաթղթերի իսկությունը ստուգող սարքերով եւ այլն:

ԼՈՒՐԵՐ

ԾԱԽՍԵՐԸ՝ 2022-ԻՆ

Վարչապետի աշխատակազմը 2022-ին ունեցել է 10 ծրագիր, 52 միջոցառում, տարեկան պլանը կազմել է 19,5 մլրդ դրամ, փաստացի իրականացվել է 20,8 մլրդ դրամ. այս մասին ԱԺ մշտական հանձնաժողովների համատեղ նիստում ներկայացրել է ֆինանսների նախարար Վահե Հովհաննիսյանը:

Ըստ նրա՝ ճշտված պլանի նկատմամբ դա կազմել է 95,7 տոկոս կատարողական, ինչը 4,4 տոկոսով բարձր է եղել, քան 2021-ին, այսինքն՝ ծախսած փաստացի գումարը:

«Նախագահի աշխատակազմն ունի 1 ծրագիր, իրականացրել է 4 միջոցառում, տարեկան պլանը կազմել է 1,6 մլրդ դրամ, այնուհետեւ ճշտված պլանով գումարը նվազեցվել է 1,3 մլրդ դրամ, փաստացի իրականացվել է 1,2 մլրդ դրամի փաստացի ծախս:

Սա ավելի փոքր է եղել, քան 2021-ին ծախսված գումարը:

ԱԺ-ն իրականացնում է 1 ծրագիր եւ 6 միջոցառում, տարեկան պլանը կազմել է 6,3 մլրդ դրամ, փաստացի ծախսվել է 6 մլրդ դրամ, որը կազմել է ճշտված պլանի

նկատմամբ 97 տոկոս, ինչը 11,7 տոկոսով ավելին է եղել, քան 2021-ի փաստացի ցուցանիշը», - ներկայացրել է նախարարը:

ՄԱՐԶԱԳՈՒՅՔԻ ՖԵԳԵՐԱՅԻՆՆԵՐԻՆ

ՀՀ շուրջ 30 մանկապատանեկան մարզադպրոցների եւ մարզաձեւերի ազգային ֆեդերացիաների անհատույց սեփականության իրավունքով կտրամադրվի մարզազույք, որի ձեռք բերման նպատակով պետական բյուջեից 2023 թ. կհատկացվի 100 մլն դրամ:

Հաշվի առնելով, որ մարզական կազմակերպություններում առկա մարզական գույքը հնանում եւ մաշվում է, մարզական գույքի զգալի մասը արագամաշ գույք է, իսկ որոշ մասը նույնիսկ մեկանգամյա օգտագործման է, ուստի անհրաժեշտություն է առաջանում յուրաքանչյուր տարի շարունակական իրականացնելու ծրագիրը:

Կառավարության որոշմամբ հաստատվել է նաեւ մարզագույքերի բաշխման ցանկը, որը կազմվել է՝ հաշվի առնելով առաջնահերթությունները՝ կազմակերպություններում պարապոզների թիվը,

մարզական արդյունքները, աշխարհագրությունը եւ այլն:

Այսպիսով՝ մարզագույք կտրամադրվի Վանաձորի թափուկայի օլիմպիական հերթափոխի մանկապատանեկան մասնագիտացված մարզադպրոցին, Երեւանի հրաձգության մանկապատանեկան մարզադպրոցին, Հրատ Շահիլյանի անվան սպորտային, գեղարվեստական մարմնամարզության եւ ակրոբատիկայի օլիմպիական մանկապատանեկան մարզադպրոցին, Երեւանի ծանրամարտի մանկապատանեկան մարզադպրոցին, Գյումրու Իսրայել Միլիտոսյանի անվան ծանրամարտի մանկապատանեկան մարզադպրոցին, Արմավիրի մեծապայքարային մարզաձեւերի մանկապատանեկան մարզադպրոցին, Թիավարության մարզաձեւերի օլիմպիական մանկապատանեկան մարզադպրոցին եւ այլն:

Արդյունքում կբարձրանա մարզադպրոցները, մարզակառույցները եւ մարզական հասարակական կազմակերպությունները գույքով ապահովման, մարզական հերթափոխի եւ բարձրակարգ մարզիկների պատրաստման, ինչպես նաեւ ուսումնամարզական գործընթացի որակը, մարզակառույցները կապահովվեն ժամանակակից մարզական գույքով, կբարելավվեն դրանց մարզման պայմանները:

● Անցած 1 օրվա ընթացքում Հայաստանի Հանրապետությունում արձանագրվել է 15 ՃՏՊ. 23 մարդ ստացել է տարբեր աստիճանի մարմնական վնասվածքներ:

ՍՈՑԻԱԼԱԿԱՆ

Team

ԲԱԺՆԵՏՈՄՍԵՐԻ ՏԵՂԱԲԱՇԽՈՒՄ (IPO)

«Տելեկոմ Արմենիա» ԲԲԸ-ն (ապրանքանիշը՝ Team Telecom Armenia) թողարկել է:

իրապարակային առաջարկի միջոցով տեղաբաշխում է բաժնետոմսեր՝ հնարավորություն տալով յուրաքանչյուրին մասնակցել ընկերության զարգացմանը, կատարել ներդրում, կիսել հաջողությունները և դառնալ Team-ի բաժնետեր:

Ընկերությունը նախատեսում է տեղաբաշխել 8 միլիարդ 240 միլիոն դրամ ընդհանուր արժողությամբ 40 միլիոն հատ բաժնետոմս: Տեղաբաշխումն իրականացվելու է սույն թվականի հունիսի 7-ից մինչև հոկտեմբերի 31-ը ներառյալ:

«Team Telecom Armenia-ն հեռահաղորդակցության ոլորտի առաջին ընկերությունն է, որը Հայաստանում իրականացնում է IPO: Այս քայլով մենք դառնում ենք ավելի բաց ու հանրային, ձեռավորում ենք ավելի թափանցիկ գործելաոճ ու կիսելու ենք մեր

հաջողությունները ինչպես բաժանորդների, այնպես էլ ապագա բաժնետերերի հետ: Թիմային աշխատանքի շնորհիվ վերջին տարիների ընթացքում ընկերությունն ապահովում է ֆինանսական կայուն աճ և հաջորդ համարձակ քայլն է անում արդեն

ֆինանսական ոլորտում: Նոր ներդրումների շնորհիվ մեր հավակնոտ ծրագրերն իրականացնելու ենք ավելի արագ՝ միասին զարգացնելով հեռահաղորդակցության, թվային տեխնոլոգիաների ոլորտները և երկրի տնտեսությունը»,- նշում է Team Telecom Armenia-ի գլխավոր տնօրեն Հայկ Եսայանը:

Ներգրավված միջոցներն ընկերությունն ուղղելու է Հայաստանի ողջ տարածքում օպտիկամանրաթելային NGN ցանցի ընդլայնմանը, 5G բջջային ցանցի գործարկմանը և միջազգային նոր կապուղիների ակտիվացմանը: Աշխատելով թվային տեխնոլոգիաների ոլորտում՝ ընկերությունը նաև մեծ ուշադրություն է դարձնելու ժամանակակից թվային գործիքների ու լուծումների ներդրմանը և այլ հավակնոտ ծրագրերի իրականացմանը:

«Տելեկոմ Արմենիա» ԲԲԸ-ի բաժնետոմսերի ազդագիրը գրանցվել է ՀՀ կենտրոնական բանկի նախագահի՝ 2023թ. մայիսի 31-ի թիվ N 1/288Ա որոշմամբ:

Team Telecom Armenia-ն ՀՀ տարածքում տրամադրում է ինտերնետի, թվային հեռուստատեսության, բջջային և ֆիքսված հեռախոսակապի ծառայություններ: 2021 թվականից ընկերությունը սկսել է տարածաշրջանում եզակի՝ 25 Գբ/վ արագությամբ 25G-PON տեխնոլոգիայով NGN (Next Generation Network) ցանցի կառուցումը:

ՔՆՆԱՐԿՈՒՄ

ԱՄՆ ԳԵՄՊԱՆԸ՝ ՆԱԽԱՐԱՐՈՒԹՅՈՒՆՈՒՄ

ՀՀ կրթության, գիտության, մշակույթի և սպորտի նախարար Ժաննա Անդրեասյանն ընդունել է Հայաստանի Հանրապետությունում ԱՄՆ արտակարգ և լիազոր դեսպան Քրիստինա Քվինի գլխավորած դասվիրակությանը:

Ժաննա Անդրեասյանը, ողջունելով դեսպան Քրիստինա Քվինին, շնորհավորել է նրան նշանակման առթիվ և մաղթել արդյունավետ աշխատանք՝ ի շահ հայ-ամերիկյան բարեկամական կապերի զարգացման՝ համոզմունք հայտնելով, որ նա իր ներդրումը կունենա Հայաստանի և ԱՄՆ-ի միջև հարաբերությունների առավել ամրապնդման և խորացման գործում:

«Կրթության, գիտության, մշակույթի, սպորտի և երիտասարդության ոլորտներում ունենք համագործակցության թե՛ լավ փորձ, թե՛ ավելի մեծ պոտենցիալ: Ուրախ կլինեմք միասին աշխատել բոլոր ոլորտներում»,- ասել է ԿԳՄՍ նախարարը՝ ընդգծելով, մասնավորապես, համատեղ իրականացված «Ներառական կրթության համակարգի հզորացում Հայաստանում» ծրագիրը, որն ամփոփվում է այս օրերին:

Ժաննա Անդրեասյանը կարելի էր նաև ԱՄՆ-ի հետ քաղաքացիական կրթության ծրագրերի շուրջ համագործակցության հեռանկարները՝ ընդգծելով, որ այն մեր կրթության բարեփոխումների առանցքում է:

Մշակույթի ոլորտում Ժաննա Անդրեասյանը արժեւորել է հատկապես ԱՄՆ աջակցությունը՝ ուղղված Հայաստանի մշակութային և պատմական ժառանգության պահպանմանը, որը, նախարարի գնահատմամբ, առանցքային կետ է երկու երկրների հարաբերություններում: Այս համատեքստում Ժաննա Անդրեասյանը շեշտել է ԱՄՆ դեսպանների մշակութային արժեքների պահպանության հիմնադրամի ֆինանսական աջակցությամբ իրականացված Մեդրիի Փոքր թաղի Սուրբ Հովհաննես (Սբ. Սարգիս) եկեղեցու վերակառուցման ու պահպանության ծրագիրը և նշել, որ այժմ աշխատանքներ են տարվում Սանահինի վանական համալիրի և Երեբունյի տաճարի վերակառուցման ուղղությամբ:

ԿԳՄՍ նախարարը առաջարկել է մշակույթի ոլորտում դիտարկել նաև համատեղ փառատոների ու ցուցադրությունների անցկացման հնարավորությունը՝ հաշվի առնելով երբեմնի լավ փորձը:

ԱՄՆ արտակարգ և լիազոր դեսպան Քրիստինա Քվինը շնորհակալություն է հայտնել ընդունելության համար և



ընդգծել Հայաստանի հետ համագործակցության խորացման կարելիությունը. «Համատեղ իրականացվում են բազմաթիվ կրթական ու մշակութային ծրագրեր, որոնք իսկապես շատ կարելի են: Այդուհանդերձ, համագործակցության ավելի լայն հեռանկարներ կան: Ուրախ կլինեմ շարունակել ձեռավորված լավ ավանդույթներն ու համատեղ արդյունավետ աշխատանքը»:

Կողմերն անդրադարձել են կրթական փոխանակման համատեղ ծրագրերին, անգլերենի ուսուցման մի շարք նախագծերին՝ ուղղված ուսուցիչների և դասավանդողների վերապատրաստումներին, գյուղական համայնքներում անգլերենի ուսուցմանը նպաստող համատեղ ծրագրերին:

ԿԳՄՍ նախարարը կարելի էր նաև Հայաստանում ԱՄՆ հաղադրության կոր-

պուսի կամավորների գործունեության վերսկսումը, որը վերջին տարիներին ընդհատվել էր՝ կորոնավիրուսի համաճարակի իրավիճակով և պատերազմով պայմանավորված:

«Համագործակցության տարիների ընթացքում ԱՄՆ հաղադրության կորպուսի հարյուրավոր կամավորներ են ծառայել՝ աջակցելով անգլերենի դասավանդմանը Հայաստանի տարբեր մարզերում»,- ասել է նախարարը:

Հանդիպման ընթացքում Ժաննա Անդրեասյանն իր մտահոգությունն է հայտնել Ադրբեյջանի վերահսկողության ներքո գտնվող տարածքներում հայկական մշակութային ժառանգության պահպանության խնդրի առնչությամբ:

Կողմերը քննարկել են նաև երկուստեք հետաքրքրություն ներկայացնող մի շարք այլ հարցեր:

ԼՈՒՐԵՐ

ՓԼՎԵԼ Է ՊԱՏԸ

Տիգրան Մեծ պողոտայի նորակառույց շենքերից մեկում շինարարական աշխատանքներ իրականացնելիս վնասվել է մետրոյի «Հանրապետության հրապարակ» կայարանի պատը:

Դեպքը տեղի է ունեցել նախօրեին, առաստաղին հարակից աննշան հատված վնասվել է, փոքր քարաթափում է տեղի ունեցել, ինչն արձանագրվել է մետրոպոլիտենի պահպանության բաժնի կողմից, և շենքի շինարարական աշխատանքները կասեցվել են:

Շինարարության հետագա ընթացքը կորոշվի փորձաքննությունից հետո:

ԱՆԿՐԱԿԱՐՉ՝ ՄԵՂԱԿՐԱՆՔՆԵՐԻՆ

Մետրոպոլիտենն անդրադարձել է կայարանից պատմական Հայաստանի քարտեզը հեռացնելու մեղադրանքներին: «Ի պատասխան հանրության ջրջանում առաջացած բողոքի, թե Երեւանի մետրոպոլիտենի «Հանրապետության հրապարակ» կայարանից հանվել է Պատմական Հայաստանի

քարտեզը՝ տեղեկացնում ենք, որ քարտեզն ավելի լավ որակով ցուցադրվում է՝ տեղադրված լեդ էկրանի վրա: Միեւնույն ժամանակ տեղեկացնում ենք, որ քարտեզը հանվել է մետրոպոլիտենի «Հանրապետության հրապարակ» կայարանի կամարից ս.թ. մայիսի 29-ին մաշվածության ու խամրածության պատճառով: Ընդգծենք, որ լեդ էկրանի տեղադրման աշխատանքները տեւել են 2 օր, որից՝ հետո ս.թ. հունիսի 1-ին, կայարանում արդեն իսկ լեդ էկրանի վրա ցուցադրված է եղել քարտեզն ամբողջությամբ»,- ասված է պարզաբանման մեջ:

«ժողովուրդ» օրաթերթում և ArmLur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

44-ՕՐՅԱ ՊԱՏԵՐԱԶՍ

ԱԶԳԱՅԻՆ ԳՐԱԴԱՐԱՆԸ ՆԵՐԿԱՅԱՅՐԵԼ Է 3 ԳԻՐՔ

Հայաստանի ազգային գրադարանը (ՀԱԳ) եւ Վալերի Բրյուսովի անվան Պետական համալսարանը համատեղ երեք գրքերի շնորհանդես-հնմարկում է կազմակերպել Ազգային գրադարանում...



Ցույցի մասին «ժողովուրդ» օրաթերթին տեղեկացրին Հայաստանի ազգային գրադարանից: ՀԱԳ-ի տնօրեն Աննա Չուլյանի եւ Վ. Բրյուսովի անվան պետական համալսարանի ռեկտոր Դավիթ Գյուրջիյանի ողջույնի խոսքերից հետո...

ներն ամօրյալում են իրենց ծնողների/սախնիների պատմական հոգեցնցմանը: Գրքի երկրորդ՝ «Պատմության, ֆիլիցիայի եւ հանձնառության խաչմերուկում» մասում մենք հայտնվում ենք պատմության՝ իրական անցյալի եւ ֆիլիցիոնալ աշխարհների խաչմերուկում:

ԱՐԺԱՆԻ ՄԵԿԸ

ԽԱՉԱՏՐՅԱՆԱԿԱՆ ՏԱՐԻ՝ ԿԱՄԵՐԱՅԻՆՈՒՄ

Խաչատրյանական սարվա արժանի մեկնարկ՝ Կամերային երաժշտության ազգային կենտրոնում:

ՀՀ վաստակավոր արտիստ, անվանի դաշնակահար Հայկ Մելիքյանը հունիսի 14-ին հանդես է գալու բացառիկ ծրագրով՝ ներառելով խաչատրյանական գլուխգործոցներ, դաշնամուրային փո-

խաղումներ, ինչպես նաեւ խաչատրյանի արվեստի վրա անշեջ հետք թողած աշուղական երաժշտության դաշնամուրային մեկնաբանություններ եւ հայ դասականների գոհարներ: Համերգը տեղի կունենա հունիսի 14-ին՝ ժամը 19:30-ին, Կոմիտասի անվան կամերային երաժշտության տանը:

սեց հայերեն, բայց նրա լեզուն հասկացավ ողջ աշխարհը: Այս հայեցակարգը մտնում է պատրաստել եմ հատուկ մի ծրագիր՝ նիրված մեծ կոմպոզիտորի 120-ամյակին: Սրտումս առանձնահատուկ թրթռ է եւ մեծ պատասխանատվություն: Հունիսի 14-ը զուտ մենահամերգ չէ, այլ եւ մի ողջ տոնախմբություն», - նշում է Հայկ Մելիքյանը:

ԼՈՒՐԵՐ

ԵՐԳ՝ ՄԱՅՐԱՔԱՂԱՔԻՆ

Ամառ է Երեւանում, եւ այս առիթով Արամ շք3-ն ու Գարիկ Մարտիրոսյանը մեր «pink-ագույն» մայրաքաղաքին, Երեւանցիներին ու մեր հյուրերին ամառային զովացնող երգ են նվիրել, որը, գուցէ, դառնա այս ամառն հիթերից մեկը: Այն պատմում է, թե որքան շոգ է լինում Երեւանում ամառը, բայց, չնայած դրան, միշտ ձգում է բոլորին...

ՄԵՒԱԼՆԵՐ՝ ՄՐՑԱՇԱՐՈՒՄ

Հունահռոմեական ոճի ըմբիշները 3 ոսկե, 4 արծաթե, 9 բրոնզե մեդալ են նվաճել Բեռլինի Փաշայանի միջազգային հուշամրցաշարում: Մրցաշարին Հայաստանի եւ եւս 5 երկրի՝ Ռուսաստանի, Բուլղարիայի, Բելառուսի, Վրաստանի եւ Իրանի ներկայացուցիչներ են մասնակցել: Հուշամրցաշարի հաղթողի կոչմանն արժանացել են 67 կգ քաշային Սլավիկ Գալստյանը, 72 կգ քաշային Շանթ Խաչատրյանը եւ 82 կգ քաշային Մաքսիմ Մանուկյանը: ԿԳՄՍ նախարարի տեղակալն առանձնացրել է հատկապես աշխարհի եւ Եվրոպայի չեմպիոն Մաքսիմ Մանուկյանի էլույթները, որը, տեւական դադարից հետո վերադառնալով ըմբշամարտի մրցագորգ, եզրափակչում տպավորիչ հաղթանակ է տարել ու դարձել ոսկե մեդալակիր: «Մեր ըմբիշների համար սա ստուգողական մրցաշար էր: Անձամբ ինձ շատ ուրախացրեց Մաքսիմ Մանուկյանն իր հրաշալի գոտեմարտերով: Երկար դադարից հետո վերադառնալով 34 տարեկանում ու այդպիսի գոտեմարտեր հաղթել, իսկ եզրափակչում ֆանտաստիկ հնարքով ետ բերել գրեթե կորած գոտեմարտը, պարզապես հիանալի էր: Հուսամ՝ դեռ ասելիք ունի ու մեծ հաջողությունների կհասնի: Տպավորիչ էլույթներ ունեցան նաեւ Շանթ Խաչատրյանն ու Սլավիկ Գալստյանը», - նշել է Կարեն Գիլոյանը:

● Հունիսի 4-ին Հ. Պարոնյանի անվան երաժշտական կոմպոզիայի պետական թատրոնում տեղի կունենա «Մորգանի խնամին» ներկայացումը: Տոմսերի արժեքը՝ 1000-3000 դրամ: Սկիզբը՝ ժամը 19:00-ին:



**ԻՐԱՎՈՒՆՔ**

**ՀԱՐՑ. Ինչո՞ւ է իրականացվում մարդու իրավունքների դաժադանի սոս քննությունը:**  
*Աննա Մարտիրոսյան (26 տարեկան)*



**ՊԱՏԱՍԽԱՆ.** Քաղաքացիների ընդունելություն իրականացնում է ինչպես Մարդու իրավունքների պաշտպանը, այնպես էլ իր աշխատակազմի ներկայացուցիչները:

Նախքան Պաշտպանի մոտ քաղաքացու ընդունելության կազմակերպումը Պաշտպանի հանձնարարությամբ վերջինիս համար ընդունելություն կազմակերպում է դիմում-բողոքի քննարկման ընթացակարգն ապահովող աշխատակազմի համապատասխան ստորաբաժանման ղեկավարը:

*Մարդու իրավունքների պաշտպան*

**«ԺՈՂՎՈՒՐԳ».** Ստորաբաժանման ղեկավարը, ելնելով կոնկրետ գործի հանգամանքներից, ինքն է որոշում քաղաքացու ընդունելության կազմակերպումը Պաշտպանի մոտ:

Էջը՝ ՍՅՈՒՆԷ ՀԱՄԱՐՉՈՒՄՅԱՆԻ

**ՀԱՄԱԼՍԱՐՈՒՆՆԵՐ**

**ՀԱՐՑ. Տնտեսագիտական համալսարանի հանգստյան սենյակ ու՞ր է ինչո՞ւ է կարող են օգտվել:**  
*Արմեն Օսեյան (20 տարեկան)*



**ՊԱՏԱՍԽԱՆ.** Դիվիզնում գտնվող Տնտեսագիտական համալսարանի «Տնտեսագետ» մարզաառողջարանը ստեղծվել է որպես մարզաառողջարանային ճամբար, բայց 2012 թվականի հունվարին ստացել է մարզաառողջարանի կարգավիճակ:

ՀՀՀՅ ղեկավարության ջանքերով մարզաառողջարանում ամեն տարի նորոգման ու բարելավման աշխատանքներ են կատարվում, հետզհետե հանգստի համար ստեղծվում են հարմարավետ պայմաններ: Մարզաառողջարանը գործում է ամռանը՝ 4 հերթափոխով, որի ընթացքում այստեղ մատչելի պայմաններով իրենց հանգիստն են անցկացնում ՀՀՀՅ հարյուրավոր ուսանողներ և աշխատակիցներ: Կազմակերպվող մարզական ու մշակութային բազմաթույթ միջոցառումները հանգստացողների առօրյան դարձնում են անմոռաց ու հիշարժան:

*Հայաստանի պետական տնտեսագիտական համալսարան*

**«ԺՈՂՎՈՒՐԳ».** Ուղեգրի արժեքը ՀՀՀՅ աշխատակիցների և ուսանողների համար 35 հազար դրամ է, իսկ ՀՀՀՅ աշխատակիցների և ուսանողների ընտանիքների անդամների համար՝ 40 հազար դրամ:

**ԼՈՒՐ ԿԱԴՐ**

*Լուսանկարը՝ համացանցից*



Աջափնյակ վարչական շրջանում տեղադրված նոր կանգառասարահներից երկուսի ապակիները կոտրել են: Աջափնյակ վարչական շրջանի կողմից փաստի առթիվ գրություն է ուղարկվել ՀՀ ոստիկանության բաժանմունք՝ մեղավորին հայտնաբերելու և պատասխանատվության ենթարկելու ուղղությամբ:

**ԲԱԺԱՆՈՐԴԱԳՐՈՒԹՅՈՒՆ**

Մեր թերթը  
Բաժանորդագրվելու  
համար կարող եք դիմել

**«Հայմամուլ» ՓԲԸ**  
հեռ. 45-82-00, 45-19-11

**«Հայփոստ» ՊՓԲԸ**  
հեռ. 51-45-46, 51-45-47

**«Բլից-Մեդիա» ՍՊԸ**  
հեռ. 52-5301

Առաքումը՝ **ԱՆՎՃԱՐ**:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), և մենք անպայման կանդրադարձնանք ձեր բարձրացրած բոլոր խնդիրներին:

**ԱՌԱՋԱՐԿ**  
**հայկական տպագիր մամուլից**

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը և ուղարկել նշված հասցեով: Ամեն օր թերթը կհասնի ձեր նախընտրելի վայր:

**Բաժանորդագրության բլանկ**

Անուն՝ \_\_\_\_\_  
Ազգանուն՝ \_\_\_\_\_  
Առաքման հասցե՝ \_\_\_\_\_  
Բջջային ես/կամ քաղաքային հեռախոս՝ \_\_\_\_\_

Հեռ.՝ (060) 490049  
0023, Արշակունյաց 2, 5-րդ հարկ, 518ս.

**ԵՂԱՆԱԿԻ ՏԵՍՈՒԹՅՈՒՆ**



☀	Շիրակ	+ 5 + 8 +18 + 22	☀	Արարատ	+15 + 17 +28 + 30
☀	Կոտայքի լեռներ	+ 8 + 11 +18 + 20	☀	Արմավիր	+13 + 16 +27 + 29
☀	Կոտայքի նախալեռներ	+13 + 16 +24 + 26	☀	Վայոց ձորի լեռներ	+ 7 + 10 +17 + 20
☀	Գեղարքունիք	+ 7 + 11 +18 + 21	☀	Վայոց ձորի նախալեռներ	+15 + 17 +25 + 28
☀	Լոռի	+11 + 16 +21 + 26	☀	Սյունիքի հովիտներ	+17 + 21 +27 + 31
☀	Տավուշ	+13 + 18 +25 + 29	☀	Սյունիքի նախալեռներ	+10 + 15 +21 + 24
☀	Արագածոտնի լեռներ	+ 7 + 11 +18 + 20	☀	Արցախ	+17 + 20 +26 + 29
☀	Արագածոտնի նախալեռներ	+12 + 16 +23 + 28	☀	Երեւան	+14 + 16 +26 + 28

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ  
Հասցեն՝ ք. Երեւան, Աբովյան 22՝/3, հեռ՝ 010 54-64-23  
Պետական գրանցման վկայականի համարը՝ 03Ա089086  
տրված է 24.11.2010  
Ստորագրված է տպագրության 2.6.2023  
Պատկերը՝ Պատկերը չի փոխվում, 4 հավանական 201

Գլխավոր խմբագիր՝  
**ՔՆԱՐ ՄԱՆՈՒԿՅԱՆ**

Տպագրված է «ԳԻՆԴ» տպարան ՍՊԸ հրատարակչությունում  
խմբագրություն հանձնված նյութերը չեն գրայնապատվում և չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: